

Ээгийтэй найз болоод 3 сар болж байна. Саяхан түүнийг тамхи татаж байхыг анх хараад гайхлаа. Яагаад вэ гэвэл би тамхи татдаг хүнд маш дургүй юм л даа. Тамхинд дургүй ч өмнө нь ингэж их авч хэлэлцэж байсангүй. "Тамхи гэж ер нь яг юу юм болоо?"

Нэг талаас нь харвал биенд муу нөлөө үзүүлдэг. Түүнээс гадна эвгүй үнэртэй бөгөөд үнсэлцэх үед саад болох бус уу хэмээн янз янзаар л бодож байна.

Судалгаагаар тамхичдаас "яагаад тамхи татах болов оо?" гэж лавлаж үзвэл ихэнх хүмүүс нэгэн дуугаар "сэтгэл санаа сайхан болдог, тайвширдаг" гэж хариуллаа. Үүнээс харвал тамхи нь тамхичидын хувьд ус шиг зүйл ч байж болох юм.

Өчигдөр Ээгийтэй тамхины тухай ярилцлаа. Тэр тамхи татах үедээ "өөртөө итгэх чадвар" аа их мэдэрдэг хэмээн ярьж байлаа. мөн тамхи татаж буй байдал аятайхан харагдуулдаг гэнэ. Үнэр амтын хувьд таалагддаггүй. Гэхдээ өөрийнхөө эр хүн гэдгийг хүчтэй мэдэрдэг.

Тэгвэл эмэгтэй хүний хувьд тамхи юу вэ? Сонинд бичсэнийг үзвэл тамхи нь эмэгтэй хүний гоёлын зүйл, дур булаам харагдуулдаг гэх зэргээр бичсэн байлаа. Мөн эр хүнийг өөртөө татах хэрэгсэл болж байгаа юм шиг байна. Хэрвээ үнэхээр тийм бол тамхины хэрэгцээ бас байдаг юм байна.